

Ti Nasantoan Nga Eukaristiya Maikadua A Pagannurotan

Ti Sao Ti Diyos

Mabalin a kantaen ti maysa a Himno, Salmo wenno ania man a rumbeng a makanta.

Nakatakder dagiti tattao, ket kunaen ti Selebrante

Selebrante Madaydayaw koma ti Diyos: Ama, Anak ken ti Espiritu Santo.
Tattao Ket madaydayaw met ti pagarianna, ita ken iti agnanayon.
Amen.

Usaren daytoy manipud kaaldawan ti Domingo Panagungar inggana't aldaw ti Pentekoste

Selebrante Alleluya. Ni Kristo nagungar.
Tattao Ti Apo ket pudno a nagungar. Alleluya.

Iti Kuaresma ken dadduma pay a panawen ti panagayunar

Selebrante Madaydayaw koma ti Apo a mamakawan kadagiti amin a basbasol tayo.
Tattao Ti kinamannangaasi na ket agnanayon.

Mabalin a lualwen ti Selebrante:

Mannakabalin amin a Diyos, Kenka amin a puso silulukat, amin a tarigagay maamuan ken awan ti palimed a mailemmeng: Dalusam kadi dagiti puspuso mi babaen ta Nasantoan nga Espiritum, tapno maikari kami nga agayat Kenka, ken mangipadakkel ita nasantoan a Nagan mo; babaen ken Kristo nga Apo mi. *Amen.*

Nasantoan Nga Eukaristia II 355

No naituding, ti sumaganad Himno wenno dadduma pay a kankanta a pagdaydayaw ket maikanta wenno maisao, a sitatakder

Gloria iti Diyos idiyay kangatoan
ken kapya kadagiti tattao na ditoy daga.

Diyos Apo, Nailangitan nga Ari,
mannakabalin amin a Diyos ken Ama,
agrukbab kam Kenka, agyaman kam Kenka
agdayaw kam Kenka gapu ita gloriam,

Apo Hesukristo bugbugtong nga Anak ti Ama,
Diyos Apo, Kordero ti Diyos,
sika ti mangikkat kadagiti basbasol ti lubong:
kaasian na kami;
situtugaw ka iti makannawan ti Ama:
aklonem dagiti karkararagmi.

Ta sika laeng ti Nasantoan,
sika laeng ti Apo
sika laeng ti Kangatoan
Hesukristo,
a kadua ti Espiritu Santo
iti gloria ti Diyos Ama. *Amen.*

Kadagiti sabali a panawen mabalin nga usaren

Apo maasika.		Kyrie eleison.
<i>Kristo, maasika.</i>	<i>wenno</i>	<i>Criste eleison.</i>
Apo, maasika.		Kyrie eleison.

wenno daytoy

Nasantoan a Diyos,
Nasantoan ken Mannakabalin,
Nasantoan nga Awan Patinggana,
Kaasian na kami.

Naituding a Kararag ti Aldaw

Kunaen ti Selebrante kadagiti tattao

Ti Apo adda koma kadakayo.
Tattao Ken kasta met kenka.
Selebrante Kumararagtayo.

Lualwen ti Selebrante ti naituding kararag iti dayta nga aldaw

Tattao Amen.

Dagiti Leksiyon

Agtugaw dagiti tattao. Maysa wenno dua a Leksiyon ti mabasa a kunaen ti agbasa,

Ti mabasa (leksiyon) naadaw iti _____.

Mabalin nga inayon a basaen ti kapitulo ken bersikulo a nakaadawan da

Kalpasan ti mabasa, kunaen ti agbasa,

Daytoy ti Sao ti Apo.
Tattao Yaman koma iti Diyos.

wenno kunaen ti agbasa, Dito ti pagpatinggaan ti Mabasa (Epistola).

Isaruno ti panagulimek.

Kalpasan iti panagbasa, mabalin nga isaruno ti maysa a Himno, Salmo wenno Kanta.

Tumakder dagiti tattao ket basaen ti Diakono wenno Padi ti Ebanghelyo a kunana,

Ti Nasantoan nga Ebanghelyo ni Apo tayo a Hesukristo kas
maiannurot ken _____.

Tattao Gloria koma Kenka, Kristo nga Apo.

Kalpasan ti Ebanghelyo, kunaen ti Agbasa

Ti Ebanghelyo ti Apo,
Tattato Dayaw koma Kenka, Kristo nga Apo.

Ti Sermon

Iti Domingo ken dadduma pay a nangayeg a pipiesta isaruno ti sumaganad a nakatakder

Ti Kredo Nicenea

Mamati kami iti maymaysa a Diyos,
ti Ama a mannakabalin amin,
a nangaramid iti langit ken daga,
ken amin, a makita ken di makita.

Mamati kami iti maymaysa nga Apo, Hesukristo,
bugbugtong nga Anak ti Diyos,
nagtaud iti Ama,
Diyos iti Diyos, Silaw iti silaw,
napaypayso a Diyos a nagtaud iti napaypayso nga Ama
nagtaud, saan a naaramid,
maymaysa iti sutansiyana iti Ama.
Gapu Kenkuana naaramid amin a bambanag.
Gapu kadatayo ken ti pannakaisalakan tayo
bimmaba manipud sadi langit:
babaen iti pannakabalin ti Espiritu Santo
nagbalin a lasag ken Birhen Maria,
ket nagbalin a tao.

Gapu kadatayo nailansa iti krus idi panagturay ni Poncio Pilato;
nagtutuok natay ket naitanem.
Iti maikatlo nga aldaw, nagungar
kas maiyannurot iti nasantoan a Kasuratan;
immuli sadi langit
ket situtugaw iti makannawan ti Ama.

Umayto manen a sidadayag a mangukom kadagiti nabiag ken natay,
ket ti pagarianna dinto agpatingga.

Mamati kami iti Espiritu Santo, ti Apo, a mangmangted iti biag,
isu a nagtaud iti Ama ken Anak.
Maitimpuyog iti Ama ken Anak a pagrukbaban ken pagdaydayawan.
Nagsao babaen kadagiti Propeta.
Mamati kami iti maymaysa a santa katolika ken apostolika a Simbaan.
Bigbigen mi ti maymaysa a buniag a pakapakawanan dagiti basbasol.
Inanamaen mi ti panagungar dagiti natay,
ken ti biag iti lubong nga umay. Amen.

Ti Kararag Dagiti Tattao

Maidaton ti kararag a kas panangibabaet iti

Simbaan ti sangalubungan, dagiti miembros ken misyon na

Ti Pagilian ken amin nga adda iti turay

Ti Pagsayaatan toy lubong

Ti Pakaseknan ti komunidad

Kadagiti marigrigatan ken mariribukan

Dagiti minatay (a panglagip iti Santo/a no kaaldawanna/da)

Masarakan dagiti nadumaduma a porma ti kararag iti maika-383 a panid.

No awan ti Padi ken saan a maselebraran ti Komunyon, agpatingga ti serbisyo ditoy a kas panangiturong ti maika-406 a panid.

Panagkompesar Kadagiti Basbasol

No saan pay a naaramid ti panagkompesar, mabalin nga aramidenen ditoy. Iti dadduma nga okasyon mabalin met a saan nga aramiden.

Mabalin nga isao ti maysa a balikas ti panagayunar a masarakan iti maika-351 a panid.

Kunaen ti Diakono wenno Selebrante

Ikompesar tayo dagiti basbasol tayo iti Diyos ken iti pada tayo a tao.

Mabalin iti agulimek

Ministro ken dagiti Tattao

Manangngaasi unay a Diyos,
ikompesar mi a nakabasol kam Kenka
iti panunot, sao ken aramid,
babaen kadagiti inkam inaramid,
ken kadagiti nabaybayan mi nga inaramid.
Saan da ka nga inayat iti amin a puso mi;
saan mi nga inayat dagiti pada mi a tao kas iti bagi mi.
Sipupudno ken sipapakumbaba kami nga agbabawi.
Gapu iti Anak mo a ni Hesukristo,
kaasiyan na kami ken pakawanen na kami;
tapno makaayayo kami a kas iti pagayatam,
ken magna kam kadagiti daldalan mo,
a pakaigloriaan ta Nagan mo. Amen.

No adda Obispo, wenno Padi, tumakder ket kunaen na,

Mannakabalin amin a Diyos kaasian na kayo, pakawanen na kayo kadagiti
amin a basbasol yo babaen ken Apo tayo a Hesukristo, pabilgen na kayo iti
amin a kinaimbag, ket babaen ti pannakabalin ti Espiritu Santo salimetmetan
na kayo iti biag nga agnanayon. Amen.

Ti Kapy

Agtakder ti amin. Ti Selebrante kunaenna kadagiti tattao

Tattao Ti kapy ti Apo adda koma nga agnanayon kadakayo.
 Ken kasta met kenka.

*Agkikinnablaaw dagiti Ministro ken Tattao iti tumungal maysa babaen iti
Nagan ti Apo.*

Ti Nasantoan A Komunyon

Mabalin a rugian ti Selebrante ti Panagidaton iti maysa kadagiti balikas a masarakan iti maika-376 a panid, wenno dadduma pay a balikas iti nasantoan a Kasuratan.

Kabayatan ti panagidaton, mabalin a kantaen ti maysa a Himno wenno Salmo.

Iyawat dagiti pannakabagi ti Kongregasyon iti diakono wenno selebrante dagiti sagsagot a tinapay ken arak, ken kuarta wenno dadduma pay a pagyaman. Tumakder dagiti tattao kabayatan ti pannakaidaton ken pannakaidatag dagiti pagyaman iti Altar.

Ti Naindaklan A Panagyaman

Dagiti nadumaduma a porma ket masarakan da iti maika-367 a panid ken sumaganad

Eukaristiya A a Kararag

Nakatakder dagiti Tattao. Sumango ti Selebrante, Obispo man wenno Padi, kadagiti tattao ket ikanta wenno isao na

	Ti Apo adda koma kadakayo.
<i>Tattao</i>	Ken kasta met kenka.
<i>Selebrante</i>	Itag-ay yo dagiti puspuso yo.
<i>Tattao</i>	Itag-ay mi ida iti Apo.
<i>Selebrante</i>	Agyamantay iti Apotayo a Diyos.
<i>Tattao</i>	Isu ti rumbeng nga aramiden ti mangted pagyaman ken pagdayaw Kenkuana.

Kalpasanna, sumango ti Selebrante iti Nasantoan nga Altar ket ituloy na

Isu ti rumbeng, naimbag ken nakaragragsak nga aramiden iti amin a kanito ken iti amin a disso ti agyaman Kenka, mannakabalin amin, namarsua iti langit ken daga.

Ditoy maikanta wenno maisao ti maitutop a prepasyo iti kaaldawan ti amin a Domingo ken dadduma pay a panawen.

Ngarud dayawendaka, a makidanggay kadagiti Angheles ken Arkangheles ken iti amin a bunggoy sadi langit, nga agnanayon a mangikankanta iti daytoy a himno a mangipaduyakyak ita gloria ta Nagan mo:

Selebrante ken Tattao

Santo, santo, santo nga Apo, Diyos ti bileg ken pannakabalin, ti langit ken daga napnoan ita gloriam.

Hosana iti kangatoan.

Nagasat dagiti umay iti nagan ti Apo.

Hosana iti kangatoan.

Tumakder wenna agparintumeng dagiti tattao

Ket ituloy ti Selebrante

Nasantoan ken managparabor nga Ama: Iti di agpatingga nga ayat mo inaramid na kam nga agpaay Kenka; ket, idi nagbasol kami ken nagbalin kam nga adipen ti dakes ken patay, sika, ita asim, imbaon mo ni Hesukristo, bugbugtong ken agnanayon nga Anak mo, tapno agbalin a tao nga agbiag ken matay a kas maysa kadakami, mangisubli kadakam Kenka, ti Diyos ken Ama iti isu amin.

Nailansa iti Krus, ket indaton na ti bagina, kas pakatungpalan ta pagayatam, maysa a naananay a sakripisyo nga agpaay iti sangalubungan.

Kadagiti balikas nga agpaay iti tinapay, tenglen ti Selebrante wenna ipatay na ti dakulap na; kastan to met ti aramiden na no isaona dagiti balikas nga agpaay iti kopa, tenglen ken ipatay na ti dakulap na kadagiti dadduma pay a naglaon iti arak a makonsegraran.

Iti daydi a rabii a pannakaiyawatna iti panagtutuok ken ipapatay, ni Apo tayo a Hesukristo nangala iti tinapay, ket idi nakapagyamanen Kenka, pinispisi na ket intedna kadagiti adalanna ken kinuna, “Alaenyo, kanen yo: Daytoy ti Bagik, a maited gapu kadakayo. Aramiden yo daytoy a panglaglagip yo kaniak.”

Kalpasan ti panangrabii, innalana ti kopa ti arak; ket idi nakapagyamanen, inted na kadagiti adalanna ket kinunana, “Inumenyo daytoy, dakay amin: Daytoy ti Darak iti baro a Tulag, a maibukbok gapu kadakayo ken iti kaaduan a pakapakawanan dagiti basbasol. Tunggal uminon kayo iti daytoy, aramiden yo a panglaglagip yo kaniak”.

Ngarud ibunannag tayo ti misterio ti pammati:

Selebrante ken Tattao

Ni Kristo natay.
Ni Kristo nagungar.
Ni Kristo umayto manen.

Ituloy ti Selebrante

Rambakan mi ti pakalaglagipan ti pannakasubbot mi O Ama, iti daytoy a sakripisyo ti panagdaydayaw ken panagyaman. Bayat iti pananglaglagip mi iti ipapatay, panagungar ken iyuuli na, idaton mi Kenka dagitoy a sagsagot.

Pasantoem ida babaen ta Santo nga Espiritum tapno agpaay da koma kadagiti tattaom a Bagi ken Dara ta Anak mo, ti nasantoan a taraon ken inumen iti baro ken awan inggana a biag Kenkuana. Kasta met a pasantoen na kami tapno sipapasnek kam nga umawat iti daytoy nasantoan a Sakramento, ken agserbi kam Kenka nga agkaykaysa, sipapammati ken sikakapya; ket inton kamaudianan na nga aldaw iranud nakamto a makipagtaeng kadagiti amin a sansatos mo iti kinaragsak dita agnanayon a pagariam.

Amin dagitoy dawat mi babaen ta Anak mo a ni Hesukristo. Gapu Kenkuana, ken pannakaikaduana, ken babaen Kenkuana iti pannakaikaykaysa ti Espiritu Santo amin a dayaw ken gloria kukuam, Mannakabalin amin nga Ama, ita ken iti agnanayon. Amen.

Ngarud, kas panangisuro kadatayo
ni Kristo a manubbot tayo
sitalged tay nga agkararag,

Nasantoan Nga Eukaristiya II 363

Tattao ken Selebrante

Amami nga adda't sadi langit
 madaydayaw koma ta Nagan mo,
 umay koma ta pagariam,
 maaramid koma ta pagayatam
 dito y daga a kas met sadi langit.
Itdem kadakam ti taraon mi nga inaldaw.
Pakawanen na kam kadagiti basbasol mi
 a kas met iti inkam panangpakawan
 kadagiti nakabasol kadakami.
Ket dinakam baybayan nga umannugot iti sulisog,
 no di ket isalakan na kam iti amin a dakes.
Ta kukuam ti pagarian,
 ken ti pannakabalin, ken ti Gloria
 ita ken iti agnanayon. Amen.

Ti Pannakapispisi Ti Tinapay

Pispisien ti Selebrante ti nakonsegraran a tinapay.

Agulimek iti apagkanito.

Mabalin a maikanta wenno maisao

[Alleluya.] Ni Kristo ti sakripisyo ti pannakaisalakan tayo;
Salimetmetan tayo ngarud daytoy a piesta. [Alleluya.]

Iti kaaldawan ti kuaresma, agraman pay iti dadduma a panawen, saan a mausar ti Alleluya, malaksid iti panawen ti Panagungar.

Iti lugar, wenno kas nayon, dagiti sumaganad, mabalin a mausar ti ania man a rumbeng a makanta.

Sisasango ti Selebrante kadagiti tattao, ket isao na dagiti balikas a Pangawis

Dagiti sagsagot ti Diyos nga agpaay kadagiti tattao ti Diyos.

ken mabalin nga inayon

Alaen yo ida a panglaglagip a ni Kristo natay gapu kadakayo, ket agtaraon kayo Kenkuana kadagiti puspuso yo babaen iti pammati ken iti panagyaman.

Umununa nga agkomunyon dagiti Ministro ket sumaruno dagiti tattao.

Maited ti tinapay ken kopa kadagiti agkomunyon, a kunaen dagitoy a balikas

Ti Bagi (Dara) ni Apotayo a Hesukristo salimetmetan na ka iti biag nga agnanayon. [*Amen*].

wenno kadagitoy a balikas

Ti Bagi ni Kristo, a tinapay ti langit. [*Amen*].

Ti Dara ni Kristo, a kopa ti pannakaisalakan. [*Amen*].

Kabayatan iti panagpakomunyon, mabalin a makanta ti maysa a himno, salmo wenno dadduma pay a rumbeng a kantaen.

No kasapulan, mabalin a mangkonegrar ti Selebrante iti adadu pay a tinapay wenno arak, a kas panangiturong ti maika-408 a panid.

Kalpasan ti panagkomunyon, kunaen ti Selebrante

Kumararagtayo.

Selebrante ken Tattao

Agnanayon a Diyos, nailangitan nga Ama mi,
inaklon na kami a sipaparabor a kas sibibiag a kamkameng
ta Anak mo a ni Hesukristo nga Apo mi
ken tinaraonan na kami iti naespirituan a tinapay
iti Sakramento ti Bagi ken Dara na.
Ibaon na kami ngarud itan a sikakapya ditoy lubong,
ken ipaay mo kadakam ti kired ken tured
a mangayat ken agserbi Kenka,
iti kinarag-o ken panagkaykaysa dagiti puspuso mi;
babaen ken' Kristo nga Apo mi. Amen.

wenno ti sumaganad

Mannakabalin amin ken agnanayon a sibibiag a Diyos,
agyaman kam Kenka ta tinaraonan na kami iti naespirituan a tinapay
ti ingunguten unay a bagi ken dara
ta Anak mo a ni Hesukristo a mannubbot mi;
ken iti inka panangpatalged kadagiti nasantoan a misterios mo
a dakami ket sibibiag a kamkameng ti Bagi ta Anak mo,
ken agtawid ita agnanayon a pagariam.
Ngarud, O Ama, ibaon na kami itan,
a mangaramid kadagiti inted mo nga annongen mi,
nga agayat ken agserbi Kenka
a kas natalged a saksi ni Kristo nga Apomi.
A Kenka, Kenkuana ken ti Espiritu Santo,
dayaw ken gloria koma, ita ken iti agnanayon. Amen.

No adda Obispo, wenno Padi, bendisyonan na dagiti tattao.

Palubusan ti Diakono wenno Padi dagiti tattao kadagitoy a balikas

Tattao Intayo ngarud itan iti Nagan ni Kristo,
Agyaman tay koma iti Diyos.
wenno daytoy,

Tattao Inkayo itan a sikakapya nga agayat ken agserbi iti Apo.
Agyaman tay koma iti Diyos.
wenno daytoy,

Diakono Intayo ngarud itan iti lubong,
nga agragrag-o iti bileg ti Espiritu Santo.
Tattao Agyaman tay koma iti Diyos.
wenno daytoy,

Diakono Daydayawen tayo ti Apo.
Tattao Agyaman tay koma iti Diyos.

*Manipud ti karabian ti Domingo Panagungar inggana't kaaldawan ti Pentekoste mabalin
nga inayon ti "Alleluya, Alleluya" kadagiti amin a balikas a pammalubos.*

Sungbat dagiti Tattao Agyaman tay koma iti Diyos. Alleluya, Alleluya.

Maikatlo a Porma

Agsinnublat ti panaglualo ti Mangidadaulo ken dagiti tattao

Ama, ikararagan mi ti Santa Katolika a Simbaan;
Tapno agkaykaysa kami koma amin a sangapada.

Ipaay mo a ti tunggal miembro ti Simbaan ket sipupudno ken sipapakumbaba da koma nga agserbi Kenka;
Tapno ta Nagan mo ket maitanok ti amin a tattao.

Ikararagan mi dagiti amin nga Obispo, padi ken diakono;
Tapno situtudyo da a mangaywan kadagiti Saom ken Sakramentos mo.

Ikararagan mi dagiti amin nga agayaywan ken agturay iti amin a nasyon ditoy lubong;
Tapno maaddaan ti hustisya ken kapyra toy lubong.

Itidem ta grasyam tapno maaramid mi dagiti pagayatam iti amin nga annongen mi;
Tapno dagiti amin nga inkam aramiden ket maikari da koma kadagita imatang mo.

Kaasiam kadi dagiti amin nga agsagaba iti aniaman a pakaladingitan wenno pakariribukan;
Tapno maisalakan da kadagiti amin a pakatuokan.

Ipaay mo kadagiti amin a simminan ti agnanayon a panaginana;
Ket agraniag kadakuada ti silaw nga agnanayon.

Dayawen daka gapu kadagiti sasantos mo nga addan iti naragsak a biag;
Ket mairanod kam koma a makipagtaeng dita nailangitan a pagariam.

Kumararagtayo a maipaay kadagiti kasapulan tayo ken kadagiti dadduma pay a tattao.

Agulimek

*Mabalin nga inayon dagiti kubukbukodan tay a dawaten.
Itiden ti Selebrante ti karararag a pangrikep.*

Kararag Dagiti Tattao 387

Maikanem a Porma

Agsinnublat ti panaglualo ti Mangidadaulo ken dagiti tattao

Kumararag tayo, a sikakapya, iti Apo a Diyos.

Agulimek

Kadagiti amin a tattao iti inaldawaldaw a panagbiag ken annongen da.
Kadagiti pampamilya, gagayyem ken karruba ken dagiti agmaymaysa.

Iti daytoy a komunidad, pagilian, ken toy lubong;
Kadagiti amin a mangiwarwarnak iti hustisya, wayyawayya, ken kapya.

Iti rumbeng ken maitutop a panangaywan kadagiti amin nga inka imparabor.
Kadagiti biktima ti bisin, buteng, saan a husto a hustisya ken dagiti maidadanes.

Kadagiti adda iti peggad, pakaladingitan, wenno aniaman a pakatuokan;
Dagiti mangayaywan kadagiti masaksakit, awanan papagayam ken dagiti makasapul.

Iti kapya ken kinamaymaysa ti Simbaan ti Diyos;
Kadagiti amin a mangibunannag ti Ebanghelyo, ken kadagiti amin a mangikalikagom iti kinapudno.

Kenni [N. a Mangidadaulo nga Obispo, ken N. nga Obispo tayo; ken aminen] nga Obispo ken dadduma pay a Ministro;
Kadagiti amin nga agserserbi iti Diyos iti Simbaan na.

Kadagiti kangrunaan a kasapulan ken pakaseknan daytoy a gimong.

Agulimek

Mabalin nga inayon dagiti tattao ti kabukbukudan da a dawaten.

Apo, timuden na kami.
Ta naindaklan dayta kaasim.

Agyaman kam Kenka, O Apo, kadagiti amin a bendisyon iti daytoy a biag.

Agulimek

Mabalin nga inayon dagiti tattao ti kabukbukudan da a dawaten

Itan-ok daka, O Diyos nga Ari mi;
Ket daydayawen mi ta Nagan mo iti agnanayon.

Ikararagan mi met dagiti amin a simminan iti daytoy a biag, tapno makipagtaeng da koma dita agnanayon a pagariam.

Agulimek

Mabalin nga inayon dagiti tattao ti kabukbukudan da a dawaten

Ipaay mo kad kadakuada O Apo, ta manangngaasi unay nga ayat mo;
Kadagiti amin nga agtalek Kenka.

Ikararag mi met Kenka ti pannakapakawan dagiti basbasol mi.

Agulimek iti apagkanito.

Mangidadaulo ken Tattao

Kaasian na kami, O manangngaasi unay nga Ama;
babaen ita kaasim pakawanem kadi dagiti basbasol mi,
Maamiris mi man ken saan mi a maamiris,
kadagiti bambanag a naliwayan mi nga inaramid;
ket babaen ta Nasantoan nga Espiritum salikepkepan na kami
tapno agbiag kam nga agserbi Kenka iti napabaro a panagbiag;
a pakaidaydayawan ken pakaigloriaan ta Nagan mo;
babaen ken Hesukristo nga Apo mi. Amen.

Iyethag ti Selebrante ti pammakawan wenna maitutop a pangrikep a kararag.

Proper Prefaces

Prepasyo ti Aldaw ti Apo

Usaren iti kada Domingo a kas pannakaituriong, ngem saan nga usaren kadaguiti sumaganad a lawas

1. Iti Dios Ama

Ta sika ti paggubuayan ti silaw ken biag: pinarsua na kami a kas kaasasping mo, ket inawagan na kami iti napabaro a biag kenni Hesukristo nga Apo mi.

wenno

2. Iti Dios Anak

Gapu ken Hesukristo nga Apo mi; nga iti umuna nga aldaw ti lawas pinarmek na ni patay ken ti tanem, ket babaen iti nagloriaan a panagungar na niluktan na kadakami ti dalan ti agnanayon a biag.

wenno ti sumaganad

3. Iti Dios Espiritu Santo

Babaen iti danum ken ti Nasantoan nga Espiritu pinabaro na kami a tattao kenni Hesukristo nga Apo mi, tapno maiparangarang dayta gloriam iti amin a lubong.

Prepasyo kadaguiti Panawen

Usaren iti Domingo ken iti pay Linawas, malaksidd no naiturong iti na-Santoan nga Al-aldaw ken nadumaduma nga okasyon.

Abdiyento

Gapu ta imbaon mo ti ingungutem unay nga Anak mo a mangsubbot kadakami iti basol ken patay, ken mamagbalin kadakami a makipagtawid kenkuana iti agnanayon a biag; tapno iti iyaay na manen iti amin a bileg ken ballaigi a mangukom itoy lubong, saan kamto nga agbain wenno agbuteng ngem ketdi siraragsak kamto a mangimatang iti inna isasangbay.

Panaglasag

Gapu ta inted mo ni Hekristo, bugbugtong nga Anak mo, tapno maipasngay nga agpaay kadakami; a babaen iti bileg ti Santo nga Espiritu, nagbalin a naisangsangayan a tao iti lasag ni Birhen Maria nga inana; tapno maisalakan kami iti pannakaadipen iti basol, ket maragpat mi ti bileg nga agbalin nga annak mo.

Epipanya

Gapu iti kinadatdatlag ti naglasag a sao, inaramid mo ti baro a silaw a mangraniag kadaguiti puspuso mi, a mangammo ita gloriam babaen iti rupa ti anak mo a ni Hesukristo nga Apo mi.